

# المربعات

أول كلامنا هانذكر  
رب العباد المعين  
يا عقل ركز وفكر  
أخرة حياتك لفين

تاني كلامنا سلامنا  
علي طه سيدنا ونبينا  
بلغ رسالته وفهمنا  
دينا بأصوله رضينا

ياسبع مين اللي خاتك  
خلاك تطاطي لغريمك  
الندل جالك ولامك  
ع اللي انت فية عن قديمك

الرد من جنس فعلك  
يالي بفعلك تخاطر  
لوكان غريمي دافع لك  
يبقي نصيبك ياشاطر

يالي بنيت قصرك  
من دم عمالك  
وصبحت سيد عصرك  
دوق مر أعمالك

الندل عارف تمامه  
مهما ياصاحبي ضحكك  
ركز وعاین كلامه  
لتقضي عمرک في وحلك

یادنيا لية القسية  
طول عمري صاین ودادك  
لو صح باقية عليا  
كان بان لي خيرك وزادك

يالي غويت المراكز  
عندك كراسي كتيرة  
اختار وعاین وراكز  
لتقضي عمرک في حيرة

يامصر مين اللي خانك  
مابقتش عارف دليتي  
الورد يشبه رخامك  
والسبع أصبح عليك

يالي انت طبعك مال  
للغدر والبيعة  
ان كان دا طبع عيال  
هاتدوقها في وقية

قالت عليا صعيدي  
وأنا قوالت يكفيني قولها  
لو ذنبي إني صعيدي  
هاصرخ بصوتي وأقولها

أصل الأدب والذوق  
والكل عارف مقامه  
وعيونه دائما فوق  
يكفي ياناس احترامه  
قالوا عليا صعيدي  
مالعند في الطبع غالب  
بكرامة راجل صعيدي  
بس بكرامتي اللي غالب

أصل الصعايدة رجال  
والنخوة تاج راسهم  
مايظاطوا أبدا لمال  
ولو تتقطع راسهم  
صعيدي أه يابلد  
يخشاني أي جبان  
أنا كنت حامي البلد  
وكنت أنا العنوان

مابخافشي م اللي يعادينني  
لوكانه راجل واجهني  
أنا خوفي م اللي يواسيني

الورد ما صانه غير شوك  
زي البنته العفيفة  
ترضي بلقمة ولو شوك  
وكفاية كونها شريفة

بنت الأصول تتعرف  
لوبيتها فية راجل  
وقت الصعاب تتعرف  
تصبح بمية راجل  
م العشق عقلي ياناس راح  
لما رمتني بسهامها  
الرمش سهمه مايرتاح  
إذ لم يوصل سلامها

ياقلبي ايه اللي خلاق  
قسيت علينا الخلاق  
الحب جابك ووداك  
وأنا كنت في الحب عايق

خلتني بالحب شاعر  
قتلتني بنت اللذينة  
يالي غويت المشاعر  
إختارها عاقلة ورزينة

خلتني بالحب فنان  
وأنا قلبي مليون غناوي  
والعشق لو يكوي فنان  
تبقي نهايته في غناوي

يا أم العيون السود  
يا أم الخدود تفاح  
من نظرتك مدبوح  
والقلب كله جراح

ما قدرت أوصف عنيتها  
دي غزالة من جنس تاني  
سحرتني نظرة عنيتها  
والنظرة زادت جناني  
ياصبية رمشك دبطني  
من نظرة صرت انا مفتون  
والعشق في العين فاضحني  
ما أعرفش يا عاقل يامجنون  
ياحلو مين قداك

طبعك ملامحك زين  
نفسي أنول ودك  
سحرك أسر الاتين  
ياقاسي مين علمك  
تجرح قلوب الناس  
إن جتني يوم أفهمك  
إن الجمال إحساس

عشان عيونك ياعسل  
قلبي الحنين داب  
ماتقولي اية اللي حصل  
لية تعذب الأحباب